



Universitätsbibliothek Paderborn

Vitae Sanctorvm

Lippeloo, Zacharias

Coloniae Agrippinæ, 1603

Illvstre Miracvlvm Imaginis saluatoris, quæ à Iudæis in Vrbe Beryto crucifixa copioso manauit sanguine. Contigit (vt notat Baronius) temporibus Constantini Iunioris & Irenes vxoris eius qui simul ...

urn:nbn:de:hbz:466:1-42787

constantiam Tyranno: qui cum neque promis-
sis, neque cruciatibus, quidquam se promoue-
re cerneret, ignis supplicio furens frendens;

martyrem toto iam corpore laniatum conde-
nauit. Prolata sententia, confessim ex officinis
& balneis ingens lignorum sarmenatorumque

fuit prolata congeries: in quam subditis igni-
bus coniectus martyr beatum Deo spiritu tra-
didit. Fertur frontem, oculos, pectus, totum-
que corpus Crucis signo admiranda quadam

pietate munisse, & sic demum latabundus è
vita excessisse. Corpus fuit ab eximia pietate
matrona Eusebia nomine sindone involutum,

& preciosis delibutum vnguentis in ciuitate

Euchitarum honorifice conditum.

*Locus sepul-
tury eius.*

* matris
Vide C. Ba-
ron in Not.
Martyr.
Komas.

9. Nouem.

ILLUSTRE MIRACULUM IMAGI-
nis saluatoris, que à Iudeis in Urbe Beryto cru-
cifixa copioso manauit sanguine. Contigit (n
notat Baronius) temporibus Constantini Iunio-
ris & Irenes * vxoris eius qui simul regnare ce-
perunt anno Domini 781. teste C. Baron. Tom.
9. Annalium. Tribuitur autem tractatus Atha-
nasio Alexandrino Episcopo, sed Baronius censem
potius esse Episcopi cuiusdam in Syria eodem
nomine appellati.

BERYTUS ciuitas est in finibus Tyri &
Sidonis sita, Antiochensisibus vestigalis:
in qua frequens erat Iudeorum natio.
Contigit autem ut Christianorum quidam à
Iudeo conductum propè Synagogam habita-
ret domicilium; in quo ex aduerso lectuli ve-
neràdam in primis Christi Iesu fixam habebat
imagi-

imaginem: integrum ipsius Saluatoris proportionem insigni artificio experientem. Porro ^{Antiquissima} ma Christi cum idem Christianus ædes paulò laxiorescō- imago.
modioresque ad habitadum inquireret, ijs tandem in alio ciuitatis loco iuuentis, domiciliū mutauit: & res omnes, vna illa imagine per obliuionem relicta, eo transtulit. Agebantur hæc omnia diuina quadam prouidentia; quæ hisce ipsis rebus quosdam ad sui nominis agnationem pertrahere disponebat. Itaque Christiano illo migrante, alias quidam Iudæus loci commoditate captus; ædiculam illam conduxit; & aliquamdiu, eiuscmodi imagine affixa, ne visa quidem, illic habitauit.

Accidit autem ut die quodam gentiliū suorum quosdam ad prandium inuitaret; & unus coniuuarum sublatis oculis imaginem illam conspiceret: moxque conuersus ad coniuato rem. Tu, inquit Iudæus cum sis, qua fronte tandem huiuscmodi imaginem domi tuæ habere audes? Non dicam, quod plaustra conuiciorum & maledicta in Dominum Saluatorem hic effuderit. Coniuator autem seipsum purgare studens, affirmabat etiam sanctè, se huiusmodi imaginem haec tenus non vidisse: atque ita, qui inuitatus fuerat, tunc quidem tacuit; sed nefaria religionis superstitione tactus, paulò post ad principes sacerdotum hominem detulit, quod imaginem Saluatoris in ædibus conservaret. Illi verò audita re, cum ingenti hominum eiusdem nationis turba, ad ædes illas, in quibus ^{Vide quos} imago habebatur, aduolant; & Iudæum ^{magistros} quidem extra Synagogam ejiciunt, imaginem sequantur ^{I,} verò furore pleni in terrā detrahunt dicentes: *conomachi.*

Quem-

Quemadmodum patres nostri illuserunt ei, ita & nos faciamus. Tūc certatim omnes imaginem, in Christi Salvatoris iniuriam ijs affecere conuicijs, quæ nemo sanæ mentis excoigitare posset. Omnia enim illa supplicia, quæ Christus pro humani generis redēptione sustinuit, imagini interrogārunt. Tandem cunctis expletis, ne quid omitterent, vnum eorum lancea latus imaginis Dominicæ transfixit: & ecce, stupendum profecto miraculum, confessim sanguinis & aquæ riuuli emanare cuperunt. Eo spectaculo principes sacerdotum & seniores variè affeūti, vt rei exitum contemplarentur, hydriam vulneri admouerunt, sanguinemque & aquam defluentem exceperunt. Fuit absque mora vlla subito repleta hydria: quam deinde ad synagogam suam detulerunt. Dicebant enim: Quoniam Christicola susurrant, Christum multa & inaudita in mundo patrāse miracula, quæ omnēm industriam humānā & potentiam superant, accipiamus hunc sanguinem & aquā & infirmos quoslibet ijs perungamus, & si quidem vera sunt, quæ de Christo referuntur, continuā sanitatem consequentur: si autem, certè dubium non est, mera esse commenta, quæ de Christi virtute & potentia iactitant.

His dictis, hydriam ad synagogam deferūt; magna spe & desiderio suspensi, vt summam Christo xterni Regis filio iniuriam irrogent. Congregauerunt itaque ingentem languidorū multititudinem: inter quos, quidam proiectæ ætatis vir, ab ortu membrorum omnium dissolutione miserrimè vexatus, ab eis perunctus, repen-

Vide stupendum miraculum.

Sanguis ex latere imaginis Christi, à turcis conservatur.

Miracula ex Sanguine imaginis Christi.

repentē de suo exiliens grabato Christū Dei filium magna voce laudauit. Pari ratione cæci nonnulli amissum lumen recipere meruerunt. Indē alij plurimi varijs languoribus & infirmitatibus oppressi, mirabili Dei virtute, vndique perfusi, pristino sensu redintegrato, laudes Christo Iesu Saluatori nostro iubilārunt. Dum hæc fiunt, & omnia magnis lætitia voci bus perstrepunt, tantus languentiū ad synagogam factus est concursus, ut locus, quanquam amplissimus, omnes non caperet. Nemo tamen non sanitate donatus abibat. Si enim singula, quæ illic facta sunt miracula & prodigia, referre velimus, fastidium lectori generabimus.

Omnes autē principes sacerdotum & senio. *Iudei* per res & iudicij vii usque sexū omnes, confessim <sup>multi cre-
dum in Chri-
stum.</sup> cū multis lachrymis & crebris singultibus, de testata perfidia, Christo sua nomina dedere; atque ad ecclesiā pariter confluentes, magnis vocibus, metropolitani prouoluti vestigijs scelerata sua confessi sunt: & cuncta, ut acciderant, eidem studiosè quærenti, ex ordine retulerunt.

Porrò Christianus ille, qui domin⁹ & hæres *Nota de ima-* imaginis erat, accitus & quæsitus, vndē iconam *ginis anti-* illam habuisset, aut à quo tā mirabiliter pos- *quitate.* ta esset, hæc quæ subiungimus, respondisse fer- *Ioann. 3.* tur: Nicodem⁹ qui ad Iesum noctu venisse fer- tur, eam imaginē proprijs manibus formauit; moriensq; Gamalieli testamento reliquit. Ga- maliel autem cum diē sibi cerneret adesse ex tremum, Iacobo eam donauit. Iacobus verò Si meoni & Zachēo, & sic per temporū successio- nes in Hierosolyma perdurauit. Cæterum im minente vrbis vastatione, quæ quadragesim⁹ & ter-

& tertio post ascensionem Domini anno, prata est : Fideles à Spiritu sancto admoniti biennio antequam Titus & Vespasianus extremam vrbi cladem inferrent, cum rebus suis universis ad regnum Agrippæ Regis qui cū Romanis tunc federatus erat se transtulerunt. Quo tempore etiam hæc effigies cum ceteris rebus ecclesiasticis deportata , usque hodie in Syria permanit , quam ego ipse à parentibus ex hac luce migrantibus mihi traditam in re hereditario usque nunc possedi. Hæc certa & indubitata ratio est, de icona sancta Domini Salvatoris, qualiter de Iudea in Syrii partes deuenerit.

His auditis metropolitanus incredibilis gaudio perfusus Iudeos supplices peramanter exceptit; & diebus plurimis Christiana disciplina erudit: & postrem catechumenos triduano peracto ieiunio ex aqua & spiritu sancto regenerauit. Illiverò ut fonte salutari lustrati sunt, synagogam suam in honorem Salvatoris consecrandam ei obtulerunt: quam metropolitanus magno cum gaudio & populi totius felicitate ritè expiatam, Christo Domino humano generis Salvatori dedicauit. Interea tamē una cura noctes diesque eum sollicitabat , quid de hydria illa quæ Dominicum intra se retinebat cruentem , ageret: aut quo satis digno honore tantum miraculum æterna celebritate dignissimum, prosequeretur. Tandem salubri reperio consilio , vitreas curauit fieri ampullas, in quibus singulas de aqua & sanguine infudit portiones: easque per Asiam Aphricam, & Europam dirigēs, cunctos ecclesiarum antisites

ad an-

*Iudei fidem
Christi sus-
cipiunt &
baptizantur.*

*Festum ha-
rum miraculi*

ad annuam tanti miraculi festivitatem sum-
mo gaudio celebrandam admonuit.

*indicitur in
perpetuam
rei memoriam.*

VITA SANCTAE ET SEMPER ME- Vide Notat.
moranda Theocistis Lesbia: Ex ea quae est per C. Baron. in
Simeonem Metaphrast. conscripta.

*Martyris
Rom.*

LESBOS insula est in AEgæo AEolicarū to. Nouē
vrbium Metropolis, vniuersæ Troadis *Patriæ eius*
quondam obtinens imperium. In ea Me-
thymna ciuitas est, memoratu cum primis di-
gna; cum propter res alias; tum vel eo solum
nomine, quod Theociste admiranda pietate
fœminam produxerit. Ea enim infans ad-
huc orbata parentibus in sacrarum virginum
concessit monasterium, vbi annis non paucis
cælesti disciplina, magno cum fructu imbuta
fuit. Accidit autem ut octodecim annorū puēl- *Fit mona-
cha.*
la, diebus Paschalibus sororē in vico propin-
quo habitantem salutatura excurseret: & ani-
mum pœnitentiæ laboribus fatigatum hone-
sta recreatione relaxaret. Noctu autem Arabes *Abductus*
Cretenses, facta excursione, omnes in miseran- *captiuam in*
dam valde captiuitatem abduxerūt. Manè ve- *Parum.*
rò cum de more, barbaro planè atque nefario,
præna cecinissent, sublatis anchoris pâssiisque
velis, cum omni illa captiuorum turba in Pa-
rum nauigârunt. Adductis autem captiuis cum
inter se de precio redemptionis contenderet,
Theociste, accepta occasione, fuga salutē que-
sivit, cursuque in filuā delata, inter dumos ve-
presq; nō sine copiosa sanguinis effusione, de-
luit, donec scelitos illos prædones à littore
soluisse, & fretum nauigare conspergit. Tum

Hh verð

Capit fugam.